

Res
su



25095

I Mag. St. Dr. P

[Faint, illegible handwritten text covering the entire surface of the book cover, likely bleed-through from the reverse side.]

~~Hist. 2607.~~

REGNI POLONIÆ
Magnique Ducatus
Lithuanie

SENATORUM

Ad Declaratorias

SENATORUM

REGNI SUECIÆ

Responsoria.



LOVICH;

Anno à partu virgineo M. DC. LVI.

XXIV. 5. 8. *Univ. Lovicæ*

REGNI POLONIAE

Magnifico

Instituto

SENAATORIUM



REGNI SUECIAE

Republique

de France

25095



Annae parvi virginis M. D. LVI.



Nos Senatores Inclyti Regni Poloniae, Magni Ducatus Lithuaniae, Illustribus, Magnificis & generosis Dominis Senatoribus Regni Sueciae, Vicinis & Amicis nostris observandissimis, salutem & prosperam rerum incolunitatem.



Illustrissimi, Illustres & Generosi Domini Vicini, Amici observantissimi, Non veteris tantum inter inclyta Regna hoc est instituti, sed conventionum & pactorum fide stabilitum, ut quamvis Serenissimis Regibus nostris non desint aliquae dissentientia causa, Regna tamen haec amplissima quae publicae conventiones expressè voluerunt esse nominata, in eo debeant impendere curam ac sollicitudinum vires, quatenus gentium ac populorum utrorumque Regnorum publicae sit prospectum tranquillitati, idque muneris vel utriusque Gentis amplissimo Senatui est commissum, ut eo mediante fida pax & fides pactorum inconcussa maneat. Rite igitur atque ordine id à Dominationibus vestris factum est, quod verusto mori insistentes vestrae illustrissimae Dominationes, de his quae ad communem Regnorum quietem visum est pertinere, per literas suas, quas ab ablegato earundem

non ita pridem accepimus, Nobis prout candor mutuus postu-
 lat, aperire voluerint; Quod proum in utilitatem publicam stu-
 dium uestrarum Illustrissimarum Dominationum, ut gratissimo
 acceptamus animo, ita præter omnem spem ac expectationem,
 imo meritum nostrum, intelleximus, uestras Illustrissimas Domi-
 nationes nos remissæ curæ pacis arguere; At nos conscientia
 pactorum tuti, Judicem orbem Christianum non fugimus, nihil
 à nobis commissum nec omissum esse, quod ad mutuam beneuo-
 lentiam, sacrosanctam pactorum fidem, inter hos Reges & popu-
 los facere videbatur. Quamprimum enim S. R. Majestas Do-
 minus noster clementissimus rerum in Polonia potitus est, quam-
 uis adhuc haud paucorum Annorum induciarum continuanda-
 rum restaret spatium, autor tamen serenissimo Regi fuit hic sena-
 tus, ut interuentu Principum Christianorum pax solida & dura-
 tura utrisque constaret populis. Quo nomine viri illustrissimi Le-
 gati Ordinis Senatorii & Equestris miserant Lubecam, ut ea
 quæ pacis sunt, agerent. Quod ut factum est, ita studium Lega-
 torum nostrorum Illustrissimorum, quo ferebantur in solidam
 conjunctionem Inclytorum Regnorum, viderunt Principes
 Amici utriusque Gentis, & sinceritatis ac candoris nostri omni
 exceptione majores extiterunt testes, ita ut quamvis primus re in-
 fecta solveretur confessus, continuare eundem paucorum men-
 sium interjecta mora, pacis structio non dubitarent; Quibus au-
 tem de causis & continuatus actus iste non fortitus sit optatum
 finem, id iudicii nobis non sumimus, Cum autem ultimis Stan-
 dorffensibus pactionibus provisum sit, ne ex leuibus occasioni-
 bus in odia publica & bella exasperentur Reges & Regna nostra,
 ac non semel tantum, sed & iterum, durante interstitio, hi pacis
 publicæ tractatus reassumerentur, & quamvis iidem non succe-
 derent, illas tamen ab utrimque manerent induciæ, Nobis au-
 thoribus ablegavit in Sueciam S. R. Majestas delegatum Cona-
 rilium, qui & testaretur pronam Suxæ Majestatis voluntatem &
 uestram expiscaretur. Quo quamprimum detulit hoc Sacræ Re-
 giæ

giæ Majestati Domino nostro Clementissimo, vos non alieno a-
 nimo esse ad reassumendos tractatus, & compendii causa invita-
 re, ut Sacra Regia Majestas Dominus noster clementissimus &
 Respubl. cum plena potestate Legatos ablegarent Stockholmiã,
 qui ibidem de negotio Principali transigerent, ipsa in tempesta
 Hieme, occulto Oceano, misit ablegatum suum Generosissimum
 Dominum Morstenium, qui apertè testaretur, non simulatam
 Majestatis Suae in pacis studium voluntatem, ac is idem ut esset
 prænuntius futurorum Legatorum, qui jam tum viri Illustrissimi
 erant destinati. Quamvis enim satis grave visum sit Sacra Regiæ
 Majestati, non intermedio loco reassumi debere tam gravissi-
 mum negotium, facilè tamen assensu est Sacra Regia Majestas,
 cum non id tantum animo conciperet, ut per hos legatos vetu-
 sta componerentur dissidia, sed præcipuè ut compositis iis, stri-
 ctior amicitia & fœdus perpetuum contra communes hostes ini-
 retur. Qui legati cum jam essent in procinctu, moram promo-
 vendi iter destinatum interposuit non habita accepti internuntii
 nostri noticia, de quo postmodum ex literis Illustrissimarum Do-
 minationũ Vestrarum intellexim⁹, quod in conspectũ Regis vestri
 ne admittus quidem est, tum nec literæ fidei ab eo acceptæ, nec au-
 ditus à Rege vestro, ut exponere posset Regis nostri desiderium
 sincerum pacis. Quo autem nomine reus fuerit hic internuntius
 certè satis levi, vel vobis ipsis Judicibus, si præjudicium depona-
 tis, ob intermissam unam interpretationem, quæ non à legibus
 pactorum est iussa, sed exemplo tantum eorundem pactorum in-
 ter nos inolevit. Quod ipsum nec studio factum fuisse, in prom-
 ptu nobis erat, cum proximè præteritas literas ad Serenissimum
 Vestrum per Generosissimum Kockium exaratas, legissetis è voto
 vestro & intentione scriptas, cum ipse internuntius alias ventu-
 ras è Polonia promitteret, atque promisso jam steterit. Cum
 certè tam levis iste defectus, affectum ab utrinque sincerum, ad
 conciliationem animorum negotiumque stabiliendæ Pacis inter
 hæc Regna perpetuæ, turbare non debuissent. Quo factum est ut

nescii legati nostri, quo tandem res eruptura esset, subsisterent paulisper ad informationem internuntii; quò tandem dirigendum esset iter, cum iterum aliæ expectantur literæ à Polonia in Sveciam; Princeps Legationis Vir Illustrissimus Castellanus Kioviensis farò cedit, ac ita nova successit cura Serenissimæ Regiæ Majestati de surrogandis novis Legatis, qui & jam nominati sunt. his diebus abiuri cum plena potestate à Serenissimo Rege & Republ. Quod quidem negotium longè gravissimum, quamvis optarem tractari interventu mediantium Principum, quod etiam ex pactis conventis faciendum esset, & ne optimè meriti de nobis Principes, qui Nobis jam operam suam semel impenderant, immeritò à Nobis excludi videantur, si tamen Serenissimo Regi vestro, ac vestris Dominationibus Illustrissimis magis expedire communi tranquillitati videatur, eo compendio rem tanti momenti transigi, nec nos ab eo consilio alieni sumus, saltem tamen Serenissimi Regis Christianissimi, & Electoris Brandeburgici Oratores in Regia vestra existentes adhibendos esse putamus. Interim verò non dubitamus de serenissimi vestri Regis inter Reges usitatâ humanitate, quod & gratè jam nostrum Ablegatum acceperit, atque eundem cum testificatione reciproci affectus ac pronæ in tranquillitatem publicam voluntatis dimiserit. Cæterum quemadmodum nihil antiquius habuimus, quam conservationem publicæ fidei initorum pactorum, Ita declarata Illustrissimarum Dominationum Vestrarum erga Nos voluntati, partem studiorum significationem referimus, ac prosperissima omnia, diuturnamque Incolumitatem ex animo precamur.

Data Lovicii, 15. Maij.

1655.

SERE-



SERENISSIME AC POTENTISSIME
IMPERATOR.

*Domine Frater, consanguinee, & amice
Charissime.*



Uæ pro consueta nobis erga Maje-
statem vestram fiducia, de causis
hujus belli, partim per literas, par-
tim per Ministros nostros, Maje-
stati vestræ explicuimus, ea Maje-
stati vestræ jam pridem cognita esse
non dubitamus. Huic armorum
nostrorum Justitiæ ita suffragata
est divini Numinis bonitas, ut plu-
ries fuso fugatoque hoste, expulso-
que demum Rege Polonia, maxi-
mam illius Regni partem ditionis nostræ fecerimus, complures-
que urbes, & inter has Cracoviam, caput Regni, ante paucos dies
ceperimus; certâ spe freui, Deum opt. Max. consilia, actionesque
nostras porro prospero eventu beaturum. Cumque huius rei læ-
titia, non ad nos duntaxat, verum etiam amicos nostros pertinere
debeat, pro singulari illo, quo Majestatem vestram æstimamus,
affectu, eandem Majestatem vestram huius rei participem facere
voluimus, nullo modo dubitantes, quin vestra Maj. pro optima
erga nos voluntate sua, illius gaudii sensu haud leviter tangatur.
Atque ut per hosce successus nostros Majeitati Vestræ
vicinio-

viciniore facti sumus ; ita nihil nobis erit serius antiquiusque,
 quam amicitiam Majestatis vestræ omni meliori ratione tueri ;
 & iis rebus studere, quæ vicinitatis leges inter amicos sibi vendi-
 care videntur ; prout etiam confidimus, Majestatem vestram pa-
 ria semper relaturam, affectumque nobis conservaturam. Hæc &
 non nulla alia commisimus Residenti nostro apud Majestatem
 Vestram, ut Majestati Vestræ convenienter, referret majorem in
 modum Majestatem Vestram rogantes, ut Majestas Vestra eidem
 fidem adhibere velit, adeoque super iis, quæ propositurus est, ani-
 mum suum declarare, amicitia mutua expectationique no-
 stræ congruentissimum, quibus sinientes Majestatem Vestram
 divinæ tutelæ ex animo commendamus, omniaque læta & pro-
 spera Majestati Vestræ comprecamur. Dabamus Casimiro ad
 Cracoviam, die 12. Octobris Anno 1655.

Majestatis Vestræ

Bonus frater consanguineus & amicus

Carolus Gustavus, &c.



